

କଲସିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର କଲସିୟ ମଣ୍ଡଳି ଲାଗାଂ ପକ୍ୟାତି ପାଉଲତି ଆକି କଲସିୟ ବିସ୍ତେନି ପାଦେକ୍

କଲସିୟ ତାକେ ଲେକାତି ଆକି ଆନାତା ପାଉଲ୍ ଲେକିକିତି ଆକି ୧:୧ । ପାଉଲ୍ ଆତିସ୍ପା ଜିସୁ କ୍ରିଷ୍ଟି ଜଲମ୍ ପାଚେ ଆଦିକ୍ ଆତିସ୍ ୭୦ ବାହୁଁ ରମ୍ଦ ଜଇଲ୍ ମାନି ସମୁତ ହେୱାନ୍ ଇ ଆକି ଲେକିକିତି ମାଚାନ୍ । କଲସିୟ ଆକି ଲାହାଂ ଏପିସିୟ ପିଲିପିୟ ଆକିତିଂ ଜଇଲ୍ନି ଆକି ଇଞ୍ଜି ଇନାର୍ । ଇନେକିଦେଂକି ପାଉଲ୍ ଜଇଲ୍ତ ମାନି ସମୁତ ଇ ଆକି ଲେକିକିତି ମାଚାନ୍ । ହେୱାନ୍ କଲସିୟ ବସ୍ତିତ ମାନି ମଣ୍ଡଳି ଲାଗାଂ ଇ ଆକି ଲେକିକିତି ମାଚାନ୍ ।

ପାଉଲ୍ ହେୱାନ୍ ଇ ମଣ୍ଡଳିତିଂ ଆରମ୍ କିୱାଦାଂ ମାଚାନ୍ ଇନାକାକି ୨:୧ତ ଲେକାତାତ୍ତନା, ମତର୍ ବେସି ହେବେ ତା ଦାୟିତ୍ ମାନାକା କାତା ଏତୁ କିତାନ୍ନା । ଏପାପ୍ରସ ଇ ମଣ୍ଡଳି ରଚି ମାଚାନ୍ ଲାଗିଂ ହେୱାନ୍ କଲସିୟ ମାନାୟ ମାଚାନ୍ । ପାଉଲ୍ କଲସିୟ ମଣ୍ଡଳିତ କେତେକ୍ ମିର୍ ହିକ୍ୟା ବିସ୍ତେ ଚିନ୍ତା କିତାନ୍ । ହେୱାନ୍ ଇଦାଂ ବିସ୍ତେ ଆକି ଲେକିକିନି କାଜିଂ ବେସି ସମୁ ଲାଗାତାତ୍ତନା । ଇବେ ଆତିସ୍ପା ଜିହୁଦି କ୍ରିଷ୍ଟିୟାନ୍ ଇମ୍ଣାକାର୍ କି ବିନ୍ କ୍ରିଷ୍ଟିୟାନ୍ରିଂ ପୁଲି ନିୟମ୍ ଜିହୁଦି ବିଦିତଂ ସମାନ୍ ବାଗ୍ରେ ସୁନ୍ନତ୍ ବିଦି ପାଲି କିନି କାଜିଂ ଟାଟାୟ କିଦେଂ ସେସ୍ଟା କିତି ମାଚାର୍ । ପାଉଲ୍ ସମାନ୍ ବାଗ୍ରେ ଲଡ଼ା ହିଲ୍ଡି କ୍ରିଷ୍ଟିୟାନ୍ ବିସ୍ତେ ଲେକିକିତି ମାଚାନ୍, ଇନେର୍ ଆତିସ୍ପା କ୍ରିଷ୍ଟିୟାନ୍ ପିସ୍ତି ଇସ୍ବର୍ ଲାଗାଂ ଇଟ୍ୟା ଆଉକ୍ ୧:୧୫-୨୦ ଆରି ମାନାୟତି ଜିକାଟାଣା ହୁକେ ରଚି ହିକ୍ୟା ମଲ୍ ଆକାୟ ୨:୮ ।

ପତି ବିଚ୍ଚେନି ରାହାଣ୍

୧. କଲସିୟ ମଣ୍ଡଳିନି ପାଉଲ୍ତି ବାହାୟ ୧:୧-୨

- ୨. କ୍ରିଷ୍ଟି ଗାଜା ଆରି ମିର୍ ହିକ୍ୟା ଜପି ପାଉଲ୍‌ତି ଜବାବ୍ ୧:୩-୩:୪
- ୩. ହାଦର୍ କ୍ରିଷ୍ଟିୟାନ୍ ଜିବୁନ୍ ଜିପକା କାଜିଂ ପାଉଲ୍‌ତି ବଲ୍ ୩:୫-୪:୪
- ୪. ପାଉଲ୍ ଇ ଆକିତିଂ ବିନ୍ ମଣ୍ଡଲିତ ପା ପାବ୍ ପଡିକିଦେଂ ଇଞ୍ଜି ବାନ୍ଦାୟ୍ ଜାଣାୟ୍‌କିଜି ଝିହ୍‌ନାନା ୪:୭-୧୮

କଲସିୟ ମଣ୍ଡଲି ଲାଗାଂ ପକ୍ୟାତି ପାଉଲ୍‌ତି ଆକି

୧ ଇସ୍‌ବର୍ ଇଚା ଇସାବ୍‌ରେ କ୍ରିଷ୍ଟ ଜିସ୍‌ତି ରଞ୍ଜାନ୍ ପକ୍ୟାତାକାନ୍ ଚେଲା ପାଉଲ୍ ଆରି ଟଣ୍ଡେନ୍ ତିମତି ୨ ତିମତି କଲସିତ ମାନି ସାଦୁ ଆରି କ୍ରିଷ୍ଟି ତାକେ ପାତର୍ କିନି ଟଣ୍ଡାର୍ ଲାଗାୟ୍ ଲେକିକିନାନା; ମା ଆବା ଇସ୍‌ବର୍‌ତାଂ ଉପକାର୍ ଆରି ସୁସ୍ତା ମି କାଜିଂ ଆୟେଡ୍ ।

ଦନ୍ୟବାଦ୍ ପାର୍ତାନା

୩ ଆପ୍ ମି କାଜିଂ ପାର୍ତାନା କିନି ସମୁତ ମା କ୍ରିଷ୍ଟ ଜିସ୍‌ତି ଆବା ଇସ୍‌ବର୍‌ତିଂ ନିତ୍ରେ ଦନ୍ୟବାଦ୍ ହିନାପା । ୪ ଇନେକିଦେଂକି ଆପେଂ କ୍ରିଷ୍ଟ ଜିସ୍‌ତି ତାକେ ମି ପାତର୍ ଆରି ଇସ୍‌ବର୍‌ତି ପୁଇପୁୟା ଝିଜାର୍ ମାନାୟାର୍ କାଜିଂ ମି ଜିଉନନାକା ବିସ୍ତେ ଝେଟାପ୍‌ନା । ୫ ଏଚେକାଡ୍‌ଦ ନେକ୍ରିକାବୁର୍ ସଡ୍ କାବୁର୍ ମି ଲାଗାଂ ପର୍ତୁମ୍ ଝାତାଡ୍, ଏପେଙ୍ଗ୍ ହେଦାଂ ହୁଦାଂ ହିଡ୍‌ତି ବାସର୍ କାତା ଝେନ୍‌ଞ୍ଜି ମାଟାଦେର୍ । ଏପେଙ୍ଗ୍ ଇନାକା ବାସର୍ କିନାଦେର୍, ଇନାକା ମି କାଜିଂ ସାଗେଟ ହାର୍‌ମାନାନ୍, ତା ଜପି ମି ପାତର୍ ଆରି ଜିଉନନାକା ମାନାଡ୍ । ୬ ଇମ୍‌ଣି ନେକ୍ରିକାବୁର୍ ପରଟାର୍ କାଜିଂ ଏପେଙ୍ଗ୍ ପର୍ତୁମ୍ ଇସ୍‌ବର୍ ଉପକାର୍ ବିସ୍ତେ ଝେଟାଦେର୍ ଆରି ଇଦାଂ ହାଡ୍‌ପା ଏତୁ କିତାଦେର୍, ହେ ନେକ୍ରିକାବୁର୍ ନଙ୍ଗ୍ ସବୁ ଜଗଡ୍‌ତ ମେଙ୍ଗ୍‌ଜି ଲାବ୍ କିନାତା ଆରି ଆସିବାଦ୍ ରର୍‌ୟାତାଡ୍ । ୭ ମା ପାକ୍ୟାତାଂ କ୍ରିଷ୍ଟି ପାତର୍ କିନି ହେବାକାର୍‌ୟା ଆରି ମା ଝାରିନି ହାଙ୍ଗ୍‌ଦାକାନ୍ ଏପାପ୍ରାଙ୍ଗ୍‌ତାଂ ଏପେଙ୍ଗ୍ ଇସ୍‌ବର୍‌ତି ଇ ଉପକାର୍ ବିସ୍ତେ ଜାଣାୟ୍ କିୟାତାଦେର୍ଣ୍ଣା । ୮ ପୁଇପୁୟା ଜିବୁନ୍‌ତ ମି ହିଜିମାଞ୍ଜି ଜିଉନନାକା ବିସ୍ତେ ମାଙ୍ଗେଙ୍ଗ୍ ଝେଟାତାନ୍‌ନା ।

୯ ଇ କାର୍‌ଣ୍‌ତାଂ ମି ବିସ୍ତେ ଝେନି ସମୁତାଂ ଆପେଂ ସବୁଝେଡାଙ୍ଗ୍ ମି କାଜିଂ ପାର୍ତାନା କିନାପା । ପୁଇପୁୟା ଜିବୁନ୍ ହିଡ୍‌ତି ଝିଜୁ .

ଗିଆନ୍ ବୁଜାନି ଆମିକ୍ ସାକ୍ତି ହୁକେ ଇସ୍‌ରତି ଇଚା ପୁରା ଲାକେ ଏପେଙ୍ଗ୍ ଇନେସ୍ ପୁଞ୍ଜେଙ୍ଗ୍ ଆଡ଼ନାଦେର୍, ଇଦାଂ ମି କାଜିଂ ଆପେଂ ପାର୍ତାନା କିନାପା । ^{୧୦} ତା ଆତିସ୍, ଏପେଙ୍ଗ୍ ମାପୁତି ଇଚା ଲାକେ ଜିବୁନ୍ ଜିପ୍‌କା କିଦେଙ୍ଗ୍ ଆଡ଼ନାଦେର୍ ଆରି ତା ସାରିଆନି କାମାୟ୍ କିଦେଙ୍ଗ୍ ଆଡ଼ନାଦେର୍ । ଏପେଙ୍ଗ୍ ଜିବୁନ୍‌ତ ସବୁ ବାନି ହାର୍‌ଦି କାମାୟ୍ କିଦେଙ୍ଗ୍ ଆଡ଼ନାଦେର୍ ଆରି ଇସ୍‌ରତି ବିସ୍ତେ ମି ଗିୟାନ୍ ବାଡାନାଡ଼ । ^{୧୧} ଲାଗିଂ ସବୁ ବିସ୍ତେ ସାସି ଆରି ହୁଦାର୍ ଆଦେଂ କାଜିଂ ହେଞ୍ଜାନ୍ତି ଜାଜ୍‌ମାଲ୍‌ନି ସାକ୍ତିକାଟାକାନ୍ ଇସାବ୍‌ରେ ଓଁଜୁ ସାକ୍ତିତ ସାକ୍ତିକାଟାକାଦେର୍ ଆଡ଼, ^{୧୨} ଆବା ଇସ୍‌ର ରାଜିତ ତା ପୁଇପୁୟା ମାନାୟାରିଂ କାଜିଂ ଇନାକା ରୁଣ୍ଡାୟ୍ କିତାଣ୍ଟା, ତା ମେହାଆନି କାଜିଂ ହେଞ୍ଜାନ୍ ଜେ ମିଙ୍ଗ୍ ବାଟି କିଡ଼ତାନ୍‌ନା, ଇଦାଂ କାଜିଂ ଝାରିତାଂ ତାଙ୍ଗେଙ୍ଗ୍ ଦନ୍‌ସବାଦ୍ ହିୟାଟ୍ । ^{୧୩} ହେଞ୍ଜାନ୍ ମାଜ୍‌ଗାନି ଆଦିକାର୍‌ତାଂ ମାଙ୍ଗେଙ୍ଗ୍ ରାକ୍ୟା କିତାନ୍‌ନା ଆରି ଆପଡ଼ ହିଲ୍‌ଝାକା ମାଙ୍ଗେଙ୍ଗ୍ ଜିଉନି ମାଜିତି ରାଜିତ ତାଈଞ୍ଜାତାନ୍ନା । ^{୧୪} *ହେ ମାଜି କାଜିଂ ଆପେଂ ମୁକ୍‌ଡାତାପ୍‌ନା, ଇଚିସ୍ ମା ପାପ୍ କେମା ଆତାଡ଼ନ୍ନା ।

କ୍ରିଷ୍ଟ ଆରି ତା କାମାୟ୍

^{୧୫} କ୍ରିଷ୍ଟ ହୁଡ଼ଞ୍ଜି ଇସ୍‌ତ୍ ହୁଡ଼ନି ଜାତିମୁତ୍ । ହେଞ୍ଜାନ୍ ପର୍ତୁମ୍ ଉବ୍‌ଜାତି ମାଜି ଆରି ଓଁଜୁ ଉବ୍‌ଜାଣ୍ ଆନି ବିସ୍ତେତାଂ ମୁଡ଼ଦାକାନ୍ । ^{୧୬} ଇନାକିଦେଂକି ହୁଡ଼ନାକା ଆରି ହୁଡ଼ଞ୍ଜାକା, ସାର୍‌ଗେନି ଓଁଜୁ ବିସ୍ତେ ହେଞ୍ଜାନ୍ ହୁକେ ଉବ୍‌ଜା ଆତାଡ଼, ଗାଦି କି ସାସନ୍ କିନାକାନ୍ କି ଆଦିକାର୍ କି ମୁଣିକା, ଓଁଜାର୍ ହେଞ୍ଜାନ୍ ହୁକେ ଆରି ହେଞ୍ଜାନ୍ କାଜିଂ ଉବ୍‌ଜା ଆତାଡ଼ନ୍ନା । ^{୧୭} ଓଁଜୁ ବିସ୍ତେ ଉବ୍‌ଜାଣ୍ ଆନି ଆଗେ କ୍ରିଷ୍ଟ ମାନାନ୍ ଆରି ହେଞ୍ଜାନ୍ ତା ଲାହାଂ ମେହାନି କାଜିଂ ଓଁଜୁ ବିସ୍ତେନି ଗାଟିମୁତି ମାନାଡ଼ । ^{୧୮} *ହେଞ୍ଜାନ୍ ତା ହେବା କିନାକାର୍ ମଣ୍ଡଲି ଲାକେ ଗାଗାଡ଼ନି କାପଡ଼ା; ହେ ଗାଗାଡ଼ନି ହେଞ୍ଜାନ୍ ଜିବୁନ୍ ସାକ୍ତି । ଓଁଜୁ ବିସ୍ତେ ପର୍ତୁମ୍ ବାହା ପାୟାନି କାଜିଂ ହେଞ୍ଜାନ୍ ହାକିତାଂ ପର୍ତୁମ୍ ଆରେ ନିଙ୍ଗ୍‌ତାନ୍ନା । ^{୧୯} ଇନାକିଦେଂକି ଇସ୍‌ର ଇଚା ଇସାବ୍‌ରେ ମାଜି ନିଜେ ଇସ୍‌ରତି ବାଡ଼

☆ **୧:୧୪** ୧:୧୪ ଏପିସିୟ ୧:୭. ☆ **୧:୧୮** ୧:୧୮ ଏପିସିୟ ୧:୨୨,୨୩.

ଗୁଣ୍ଠାଲକେ କିତାନନା । ୨୦ ☆ମାଜି ହୁକେ ଇସ୍‌ବର ଝିନ୍ଦୁ ପୁତ୍ର ଚିଂ ଜାର ଲାଗାଂ ଲେଉଟାୟ୍ କିଜି ତାଇଖାନି କାଜିଂ ତିର୍ କିତାନ । କୁସ୍‌ତ ତା ମାଜିଡି ନେତେର୍ ହୁକେ ଇସ୍‌ବର ସୁସ୍ତା ରଚନାନ୍ ଆରି ପୁତ୍ର ଆରି ସାଗେତ ମାନି ଝିନ୍ଦୁ ବିସ୍ତେ ଜାର ଲାଗାଂ ମେହାୟ୍‌କିଜି ତାଇଖାତାନ୍ନା ।

୨୧ ର ସମୁତ ବାନ୍‌ଧା ମାନ୍ ଆରି ବାନ୍‌ଧା କାମାୟ୍ କିଜି ମାନି ଇସ୍‌ବରତାଂ ଏପେଙ୍ଗ୍ ଦେହା ମାଚାଦେର୍ ଆରି ହେଝାନ୍ତି ସାତୁ ମାଚାଦେର୍, ୨୨ ମାତର୍ ନଙ୍ଗ୍ ଇସ୍‌ବର ମିଙ୍ଗ୍ ପୁଇପୁୟା, ବାତ୍ର ଆରି ଦସିହିଲ୍‌ଖାଦାଂ ଲାକେ ତା ମୁମ୍‌ଦ ତାଇଖାନି କାଜିଂ ତା ମାଜିଂ ଗାଗାଡ଼ନି ହାକି କାଜିଂ ମିଙ୍ଗେଙ୍ଗ୍ ଜାର ଲାହାଙ୍ଗ୍ ଆରେ ମେହାୟ୍ କିତାନ୍ନା । ୨୩ ଏପେଙ୍ଗ୍ ର ତାଟ୍ ଆରି ହାଡ଼ପା କୁନାଦି ଜପି ଝିନ୍ଦୁ ରଚୟାଜି ମାନାଟ୍ ଆରି ନେକ୍ରିକାବୁର୍ ଝେନି ସମୁତ ଇମ୍‌ଣି ବାସି ଲାବ୍ କିଜି ମାଚାଦେର୍, ହେବେଣ୍ଡାଂ ଏନେତେନେ ଆନି କାଜିଂ ପାବ୍ ହିମାଟ୍ । ହେ ନେକ୍ରିକାବୁର୍ ନେ ଆକାସ୍‌ନି ଝିଜାର ଲାଗାଂ ପରଚାର୍ ଆନାତା ଆରି ଆନ୍ ପାଉଲ୍, ହେଝାନ୍ତି ରଝାଙ୍ଗ୍ ପାତ୍ର କିନାକାଂ ହେବାକାରୟା ।

ମଣ୍ଡଲିତ ପାଉଲ୍‌ତି କାମାୟ୍

୨୪ ଆନ୍ ମି କାଜିଂ ଇମ୍‌ଣି ସବୁ ଦୁକ୍‌ବଗ୍ କିନାଙ୍ଗା, ହେବେ ନଙ୍ଗ୍ ଝାରି କିନାଙ୍ଗା, ଆରେ କ୍ରିସ୍‌ତି ଇମ୍‌ଣି ଦୁକ୍‌ବଗ୍ ବାକି ମାନାଟ୍, ହେଦାଂ ଆନ୍ ହେଝାନ୍ତି ଗାଗାଡ଼ନି ଲାଗଦି ମଣ୍ଡଲି କାଜିଂ ନା ଗାଗାଡ଼ତ ବାତ୍ର କିନାଙ୍ଗା; ୨୫ ଇସ୍‌ବର ନାଙ୍ଗେଙ୍ଗ୍ ଇମ୍‌ଣି ହେବାକାରୟା ପାଦ୍ ମି କାଜିଂ ହିଡ଼ତାନା, ହେ ଇସାପ୍ରେ ଆନ୍ ହେ ମଣ୍ଡଲିନି ରଝାଙ୍ଗ୍ ହେବାକାରୟା ଆତାଂନା, ଇନେସ୍ ଆନ୍ ଇସ୍‌ବର ବଚନ୍ ପୁରା ସୁଶାୟ୍‌କିଦେଂ ଆଡ଼ନାଂ । ୨୬ ହେ ଡ଼କ୍ତାକା ଆଗେନି ସମୁ ଆରି ଆଗେନି ଆକର୍ ଦାଦିର୍ତାଂ ଡ଼ଗୁଜି ମାଚାଟ୍, ମାତର୍ ନଙ୍ଗ୍ ହେଝାନ୍ତି ସାଦୁର୍ ଲାଗାଂ ହତାଡ଼ନ୍ନା । ୨୭ ପାତ୍ର କିଝିଜିହୁଦିର୍ ବିତ୍ରେ ହେ ହାଦି କାତାନି ଜାଜ୍‌ମାଲ୍ ଲାଗଦି ଦାନ୍ ଜେ ଇନାକା, ହେଦାଂ ଇସ୍‌ବର ଜାର ସାଦୁର୍ ବିତ୍ରେ ଚଞ୍ଚୟା ଆଦେଂ ଇଚା କିତାନ; ହେ ହାଦି କାତା ଇଦାଂ, ମି ବିତ୍ରେ କ୍ରିସ୍‌

☆ ୧:୨୦ ୧:୨୦ ଏପିସିୟ ୨:୧୭.

ହେୱାନ ଜାଜମାଲନି ବାସି ଲାକେ; ୨୮ ଇଦାଂ କାଜିଂ ଆପେଂ ଓଜାର୍ ଲାଗାଂ କ୍ରିସ୍ତୁତି ପରଚାର୍ କିନାପା । ଓଜାର୍ କ୍ରିସ୍ତୁ ଲାହାଂ ମେହାଜି ର ପୁରାବାତ ଫାନାୟ ଲାକେ ଇସ୍ତର୍ ମୁମ୍ବ କୁଚିକିନି କାଜିଂ, ମା ଓଜୁ ବୁଦି ଗିଆନ୍ ଚାଲାୟ କିଜି, ଓଜାରିଂ ଚେଡନା ଆରି ହିକ୍ୟା ହିନାପା । ୨୯ ଇଦିଲିଂ ଜିଦ୍ କିନି କାଜିଂ ନା ତାକେ କାମାୟ କିଜିମାନି କ୍ରିସ୍ତୁ ହିଡତି ଜବର୍ ସାକ୍ତିତିଂ ବେବାର୍ କିଜି ଆନ୍ ହାଜିରିଜି ସେସ୍ତୁ ଆରି କସ୍ତୁ କିନାଜା ।

୨

୧ ମି କାଜିଂ, ଲାଅଦିକିଆନିକାର୍ ଆରି ନାଂ ଜାର୍ତି କାଜିଂ ଚିନ୍ଦକିୱାଦାଂ ମାଚିକ୍ ଓଜାର୍ ମାନାୟାର୍ କାଜିଂ ଆନ୍ ଜେ ଏଚେକ୍ ବେସି କସ୍ତୁ କିନାଜା, ହେଦାଂ ଏପେଙ୍ ପୁନାଟ୍ ଇଞ୍ଜି ନା ଇଚା । ୨ ଏପେଙ୍ ଓଜାଦେର୍ ଇନେସ୍ ହେୱାର୍ତି ୱାସ୍ତି ୱାରିୟା ଆନାଦେର୍ ହାରି ଲାହାଂ ଜିଉନନିତ ରବେ ମାନାଦେର୍, ଆରି ହାଡପାନେ ଗିଆନ୍ ଲାବ୍ କିଜି ହାଡପା ବାସି ଲାକେ ପୁରା ସମ୍ପତିନି ଆଦିକାରି ଆନାଦେର୍, ଇଦାଂ ନା ଇଚ୍ଚକାଡ୍ । ଇଦାଂ ହୁକେ ଏପ୍ ପୁନାଦେର୍ ଜେ, ଜିସ୍ତୁ କ୍ରିସ୍ତୁନେ ଇସ୍ତର୍ତି ହେ ଡକ୍ଟିବଚନ୍ । ୩ ଜିସ୍ତୁ କ୍ରିସ୍ତୁ ଆନାନା ହେ କୁଚି କାଡି, ଇନାକା ଇସ୍ତର୍ତି ବୁଦି ଆରି ଗିୟାନ୍ ଲାକେ ଓଜୁ ଡକ୍ଟି ଦାନ୍ ସମ୍ପତିନି ଗାଦ୍ୟା ଜେସି ହିଦନାନ୍ ।

୪ ଇନେର୍ ମିଂ ଇନେସ୍ ଇନି ଚାଲାକିତାଂ ବୁଲାୟ କିଦମେର୍, ହେଦାଂ କାଜିଂ ଆନ୍ ଇଦାଂ ଇଞ୍ଜିନାଜା । ୫ ଇନାକିଦେଂକି ଆତିସପା ଆନ୍ ଗାଗାଡତ ୱା଱ାଦାଙ୍ ମାଚିସ୍ ପା, ଜିବୁନ୍ ବାବ୍ରେ ଆନ୍ ମି ଲାହାଂ ମାନାଜା । କ୍ରିସ୍ତୁତି ଜପି ତାଟ୍ ପାତ ଇଡ୍ଜି ଏପେଙ୍ ଇନେସ୍ ହାର୍ସୁସ୍ତା ଆତାନା, ହେଦାଂ ହୁଡ୍ଜି ଆନ୍ ୱାରି ।

କ୍ରିସ୍ତୁତାକେ ଜିବୁନ୍

୬ ଇନେସ୍କି ଏପେଙ୍ କ୍ରିସ୍ତୁ ଜିସ୍ତୁତି ମାପୁ ଲାକେ ଇଡ୍ତାଦେର୍ଣ୍ଣା, ତା ଲାହାଙ୍ ମେହାଜି ଜିବୁନ୍ ଜିପକା କିୟାଟ୍ । ୭ ମିଦାଂ ମୁଡକ୍ତନାଦି ତା ଜପି ଆଟ୍଱ା ଲାକେ ରଚି ଜିବୁନ୍ ରଚାଟ୍ ଆରି ଏପେଙ୍ ଗାଗାତି ହିକ୍ୟା ଇସାବ୍ରେ ପାତ ଉ ଆଦିକ୍ ବାଡ୍କାସ୍ ଆଡ । ମି ଜିବୁନ୍ ପାତ ଉ ପୁରା ଆଏଡ୍ ।

୮ ଜାଗ୍ରତ୍, ଇନେର୍ ଇନେସ୍ ମିଂ ମାନାୟାର୍ତ୍ତି ଅରତ୍ ହିଲ୍ଡି ଆହାର୍ ଗିଆନ୍ ହୁକେ ତଲ୍ୟା କିଦୁତ୍ । ହେ ସବୁ ପଲ୍ୟା ଗିୟାନ୍ କ୍ରସ୍ତତି ହିକ୍ୟାତାଂ ଖାଞ୍ଜାଦାଂ ମାନଗାନାତ୍ । ହେଦାଂ ମାନାୟ୍ କୁଚୁମ୍ନି ଚାଲ୍ୟାଜି ଖାଜି ମାନି ହିକ୍ୟା ଆରି ପୁତର୍ ଜପି କାମାୟ୍ କିଜି ମାନି ହାୟାୟ୍ କିନି ସାକ୍ତିନି ହିକ୍ୟାନି ପାତ୍ । ୯ କେବଲ୍ ନାର୍ ଲାକେ କ୍ରସ୍ତତି ତାକେ ଇସ୍ପରତି ଜାତିମୁତର୍ ପୁରାବାତର୍ ମାନାତ୍ । ୧୦ ହେଞ୍ଜାନ୍ ଲାହାଂ ମେହାଣ୍ ମାନି କାଜିଂ ଏପ୍ ଜିବୁନ୍ ପୁରା ଲାବ୍ କିଦେଙ୍ଗ୍ ଆଡ୍ନାଦେର୍ । ବିନ୍ ଖିଜୁ ସାକ୍ତି ଆରି ଆଦିକାରି ଜପି କ୍ରସ୍ତତି ରାଜ୍ ନେ ମୁଡ୍ଦାକା ।

୧୧ କ୍ରସ୍ତତି ଲାହାଂ ମେହାତି ଜିବନ୍ ନେ ମି ସୁନ୍ନତ୍ ଲାକେ । ଇ ସୁନ୍ନତ୍ ମାନାୟ୍ କିତାକା ଆକାୟ୍, ହେଦାଂ କ୍ରସ୍ତତି ଲାହାଂ ପୁରା ଆତାକା । ହେଦାଂ ମାନାୟ୍ତିଂ ପାପ୍ ବାତର୍ ଖିଜୁ ଗାଗାଡ୍ ମୁକ୍ତାୟ୍ କିନାତ୍ । ୧୨ ଇନେକିଦେଂକି ବାପ୍ରିସିମତ ଅନି ହୁଦାଂ ଏପେଙ୍ଗ୍ କ୍ରସ୍ତତି ଲାହାଂ ମୁଚିୟା ଆଜି ମାଚାଦେର୍ ଆରି ଜିସୁ କ୍ରସ୍ତତିଂ ଆରେ ନିକ୍ନାକା ଇସ୍ପରତି ଜାର୍ତ୍ତି କାମାୟ୍ ସାକ୍ତିତ ପାତର୍ କିନି ହୁକେ କ୍ରସ୍ତତି ଲାହାଂ ଏପେଙ୍ଗ୍ ପା ଆରେ ନିଂତାଦେଣ୍ । ୧୩ ମି ପାପ୍ ଆରି ଗାଗାଡ୍ ଆହା କାଜିଂ ଆରି ଏପେଙ୍ଗ୍ ବିଦିତ ବିନେ ଆଜି ପାତର୍ କିଞ୍ଜି ଜିହୁଦି ମାଚିଲେ ଦିନେକ୍ ଏପେଙ୍ଗ୍ ମାପୁ ଗିଆନ୍ତ ହାଜି ମାଚାଦେର୍; ମାତର୍ ଇସ୍ପର୍ ନଂ କ୍ରସ୍ତତି ଲାହାଂ ମି ହାର୍ କିଜି ଇଡ୍ତାନ୍ନା । ଇସ୍ପର୍ ମା ଖିଜୁ ପାପ୍ କେମା କିଦନାନ୍ । ୧୪ ହେଞ୍ଜାନ୍ ମା ବିରୁଦ୍ତ ମାନାକା ବିଦି ଦାବାଆକି ଆରି ଇଦାଂ ବିଦିଦାଣିତିଂ କ୍ରସ୍ତତ ନାସକଜି ମାଙ୍ଗ୍ତାଂ ଦେହା କିତାନ୍ନା । ୧୫ ଆରେ ହେ କ୍ରସ୍ ଜପି କ୍ରସ୍ତ ଖିଜୁ ବାନି ସାକ୍ତି ଆରି ଆଦିକାରି ଜାର୍ତ୍ତିଂ ମୁକ୍ତାୟ୍ କିତାନ୍ନା ଆରି ହେଞ୍ଜାରିଂ ବନ୍ଦି କିଜି ଜାର୍ ବିସ୍ତେ ହାର୍ ହାନିତ ଖିଜାକାର୍ ମୁମ୍ଦ ହେଞ୍ଜାରିଂ ଗ୍ଲାୟ୍ତାନ୍ନା ।

ମାନାୟ୍ ରତ୍ତି ନିୟମ୍କାଂ ମାନିକିମାଟ୍

୧୬ ଲାଗିଂ, ଇନେର୍ ତିନାଉଣା କି ପୁଇପୁୟା ନାଞ୍ଜିଙ୍ଗ୍ କି ଉଆଁସ୍ ପାର୍ବୁ, କି ଜମ୍ନିବାର୍ ବିସ୍ତେ ଇମ୍ଣାକାପା ବିଚାର୍ ଜାଲ୍ଦି କିମେନ୍ ।

☆ ୨:୧୨ ୨:୧୨ ରମିୟ ୬:୪. ☆ ୨:୧୩ ୨:୧୩ ଏପିସିୟ ୨:୧-୫. ☆ ୨:୧୪ ୨:୧୪ ଏପିସିୟ ୨:୧୫. ☆ ୨:୧୬ ୨:୧୬ ରମିୟ ୧୪:୧-୬.

୧୭ ହେ ସବୁ କେବଲ୍ ଖାନି ଦିନ୍ନି ଗିଟାନି ବିସ୍ତେନି ଡିଗା ଲାକେ ମତରୁ, କ୍ରିଷ୍ଟୁନେ ଝିଜୁ ହାଡ଼ପାନି ଝିଜେନିକା । ୧୮ ଆରେ ଇମ୍ମଣାକାର ଦାମ୍ ଆରି ଦୁଡ଼ର ପୁଜାତ ହାର ପାୟାଜି ଚ୍ଚେଞ୍ଜକଣ ହୁଡ଼ଜି ମାନି ବିସ୍ତେନିକିଂ ଦାସ୍ତି ଆରି ଜାର ସଂସାର୍ନି ମାନାୟ୍ ମାନ୍ ହୁକେ ପଲ୍ୟା ଗାବ୍ ଆଜି କାପଡ଼ା ଲାକେ ଇନେନ୍ କ୍ରିଷ୍ଟୁ ହେଝାନିଂ ଆହ୍‌ଝାଦାଂ ଇନାମ୍‌ତାଂ ମିଜେଙ୍ଗ୍ ବାଚାୟ୍ କିଦ୍‌ମେଡ଼; ୧୯ ଗାଗାଡ଼ନି କାପଡ଼ା ଲାକେ କ୍ରିଷ୍ଟୁତି ତାଂ ହେଝାର୍ ଏଡ଼ା ଆତାଣ୍ଣା । ତା ବଲ୍‌ଦାଂ କେଇଗାଲ୍‌କୁ ହାୟ୍‌ଣି ଆରି ଚିରାଂ ହୁକେ ହାରି ଲାହାଂ ମିହାଜି ପୁରା ସାକ୍ତି ଆନାଡ଼ ଆରି ଗାଗାଡ଼ ଇସ୍‌ବୁଡ଼ି ଇଚା ଇସାପ୍ତେ ବାତା ଆନାଡ଼ ।

କ୍ରିଷ୍ଟୁତି ଲାହାଂ ହାନାସ୍ ଆରି ଜିନାସ୍

୨୦ ଏପେଙ୍ଗ୍ କ୍ରିଷ୍ଟୁତି ଲାହାଙ୍ଗ୍ ହାତାଦେଣ୍ଣା ଇ ପୁତ୍ ଜପି ରାଜକିନି ସାକ୍ତିତାଂ ମୁକ୍ତି ଲାବ୍ କିତାଂନା । ମାନାୟ୍ ଲାକେ ଜିବୁନ୍ କାଚିକିନାଦେରା ? ଇନେକିଦେଂ ଏପେଙ୍ଗ୍ ଏଲେଙ୍ଗ୍‌ବାତ୍ ନିୟ୍‌ମିକାଂ ମାନି କିନାଦେରା । ୨୧ “ଇଦାଂ ଆହ୍‌ମାଟ୍, ହେଦାଂ ତିନ୍‌ମାଟ୍, ହେଦାଂ ତୁମାଟ୍ ?” ୨୨ ଇ ସବୁ ବିସ୍ତେ ଚାନେକ୍‌ନିକା । ଇଦାଂ ବେବାର୍ ଆନି ସାଜେ ସାଜେ ମଲ୍‌ହିଲ୍‌ଝାକା ଆଜି ହାନାଡ଼ । ଇଝାଙ୍ଗ୍ କେବଲ୍ ମାନାୟ୍ ରଚ୍‌ଚି ନିୟ୍‌ମ୍ ଆରି ହିକ୍ୟା । ୨୩ ନିଜେ ସାଗେଦୁଡ଼ ପୁଜା, ମିର୍ ହୁଦାର୍ ଆରି ଜାତ୍ ବାଦା ହିନାକା କାଜିଂ କିୟ୍‌କିଦେଂ ଇ ସବୁ ନିୟ୍‌ମ୍ ବେସି ଗିଆନ୍ତ ରଚ୍‌ଚାକା ଇଞ୍ଜି ବାବି କିନାନ୍, ମାତର୍ ଗାଗାଡ଼ କାମାୟ୍‌ତିଂ ମେହାୟ୍ କିଦେଙ୍ଗ୍ ଆଡ଼ଝାକା ।

୩

୧ ଏପେଙ୍ଗ୍ ଏଚେକାଡ଼ଦ କ୍ରିଷ୍ଟୁତି ଲାହାଙ୍ଗ୍ ହାକିତାଂ ନିଂତାଦେଣ୍ଣା । ଲାଗିଂ ସାଗେନି ବିସ୍ତେତିଂ ମାନ୍‌ଦ୍ୟାନ୍ କିୟାଟ୍, ଇନେକିଦେଂକି କ୍ରିଷ୍ଟୁ ସାଗେତ ଇସ୍‌ବୁଟ୍ ବୁଜଣି ବାଗାଙ୍ଗ୍ କୁର୍‌ଚାନ୍ନା । ୨ ପୁତ୍‌ନି ବିସ୍ତେ ଆହା କିଝାଦାଂ ସାଗେ ବିସ୍ତେ ଚିନ୍ତା କିୟାଟ୍ । ୩ ଇନାକିଦେଂକି ଏପେଙ୍ଗ୍ ହାତାଦେଣ୍ଣା, କ୍ରିଷ୍ଟୁ ଲାହାଂ ମି ଜିବୁନ୍ ଇସ୍‌ବୁଟ୍ ତାକେ କ୍ରିଷ୍ଟୁତି ଲାହାଙ୍ଗ୍ ଡ଼ଲ୍ଲାତାଡ଼ନା । ୪ ମା ଜିବୁନ୍ ଲାକେ ଜେ କ୍ରିଷ୍ଟୁ ଏଚେକାଡ଼ଦ

☆ ୨:୧୯ ୨:୧୯ ଏପିସିୟ ୪:୧୭.

ହେୱାନ ଚଞ୍ଚୟା ଆନାନ, ହେ ପାଦନା ଏପେଙ୍ଗ ପା ହେୱାନ ଲାହାଙ୍ଗ ଜାଜ୍‌ମାଲତ ଚଞ୍ଚୟା ଆନାଦେର ।

ପୁନାକା ଆରି ପୁନି ଜିବୁନ୍

୫ ଲାଗିଂ, ମିଦାଙ୍ଗ୍ ଗାଗାଡ଼୍‌ନି କେଇଗାଲ୍‌ନି ବାନ୍ୟା ଚିନ୍ତା ଇତିସ୍ ଦାରି, ବିଚାଡ଼୍, ପୁତ୍‌ନି କାମାୟ୍, ବାନ୍ୟା ଆହା, ଆରେ ପୁଡ଼୍‌ଡ଼ା ପୁଜାଲାକେ ଲାବ୍‌ଡ଼ି, ଇ ସବୁ କାଜିଂ ହାତ; ୬ ଇ ସବୁ କାଜିଂ ମୁନ୍‌ଜି ମାନ୍‌ଜି ଇମ୍‌ଣାକାର ଇସ୍‌ସୁରତି ମାନିକିଡ଼ର, ହେୱାର୍ ଜପି ଇସ୍‌ସୁର ରିସା ଆରନାଡ଼ । ୭ ଦିନେକ୍ ଏପେଙ୍ଗ୍ ଇସ୍‌ସୁ ବାନ୍ୟା ଆହା ମେହାଜି ଜିବୁନ୍ ଜିପ୍‌କା କିଜି ମାଟାଦେର ।

୮ ମାତର୍ ନଙ୍ଗୟ୍ ଏପେଙ୍ଗ୍ ପା ଇ ସବୁ ବିସ୍ତେ, ଇତିସ୍ ରିସା, ମୁକ୍‌ଆ, ଆକ୍ରିୟା, ନିନ୍ଦା, ୱେଇଦାଂ ବଟାୟ୍ ବଚନ୍ ଇ ସବୁ ପିହାଟ୍ । ୯ ହାରିତିଂ ମିର୍ ଇନ୍‌ମାଟ୍; ଇନେକିଦେଂକି ଏପେଙ୍ଗ୍ ତ ପୁନି ବାଦନା ଆରି ତା ବେବାର୍ କିମାଟ୍ । ୧୦ ହେବେନି ଝିଜୁ କାମାୟ୍ ପିସ୍ତି ପୁନି ଆଗାର୍ ବେବାର୍ ଉସ୍ତାଦେଣ୍ଟା । ହେ ପୁନି ଆଗାର୍ ବେବାର୍ ଜାର୍ ଉବ୍‌ଜାୟ୍ କିତି ମୁଣିକାତି ଜାତିମୁତ୍ ଇସାବେ ପୁରା ଗିଆନ୍ ପାୟାନି କାଜିଂ ପୁନାକାଦେର ଆନାଦେରା । ୧୧ ଇ ଲାକେ ବାହାତ ଗ୍ରିକ୍ ଆରି ଜିହୁଦି ଆରି ପାତ୍‌କିଝି ଜିହୁଦି, ସୁନ୍ନଡ଼ ଆରି ସୁନ୍ନଡ଼ ଆଞ୍ଜାତାକାର୍, ଲେକାରାଜ୍ୟା, ସ୍ପାରିୟ୍, ଆଡ଼ିଏନ୍, ମାନ୍‌ଇଚାଲଗ୍, ଇଞ୍ଜାର୍ ବିଡେ ଅଲପ୍‌ପା ଆଲ୍‌ଗା ହିଲେଡ଼, ମତର୍ କ୍ରିସ୍ଟ ସବୁତ ସବୁ ଆନାନ, ଆରେ ଝିଜାକାର୍ ତାକେ ବାହା କିନାନ୍ ।

୧୨ ଏପେଙ୍ଗ୍ ଇସ୍‌ସୁରତି ଲକ୍ତୁ । ହେୱାନ ମିଙ୍ଗେଙ୍ଗ୍ ଜିଉନନାକା ନିଜାର୍ ପୁଇପୁୟା ଲକ୍ତୁ କାଜିଂ ବାଟିକିୟାତାନ୍ନା । ଲାଗିଂ ଏପେଙ୍ଗ୍ ମାନ୍, ଦୟା, ହୁଦାର୍, ସୁସାର୍ ଆରି ସାସ୍ ଲାକେ ହେନ୍ଦା ଉସ୍‌ପାଟ୍ । ୧୩ ହାରି କାଜିଂ ହୁଞ୍ଜନାକାଦେର ଆଡ଼, ଆରେ ଜଦି ଇନେର୍ ଇନେର୍ ବିରୁଦ୍‌ତ ଇମ୍‌ଣି କାତା ମାଟିସ୍, ତେବେ ରଞ୍ଜାନ୍ ଆରେରଞ୍ଜାନିଙ୍ଗ୍ କେମା କିୟାଟ୍; ମାପୁ ଇନେସ୍ ମିଙ୍ଗେଙ୍ଗ୍ କେମା କିଡ଼ତାନ୍ନା, ଏପେଙ୍ଗ୍ ପା ହେ ଲାକେ କିୟାଟ୍ । ୧୪ ଆରେ, ଇ ଝିଜୁ ଗୁଣ୍ ଲାହାଂ

☆ ୩:୯ ୩:୯ ଏପିସିୟ ୪:୨୨. ☆ ୩:୧୦ ୩:୧୦ ଏପିସିୟ ୪:୨୪. ☆ ୩:୧୨ ୩:୧୨ ଏପିସିୟ ୪:୨. ☆ ୩:୧୩ ୩:୧୩ ଏପିସିୟ ୪:୩୨.

ଜିଉତିଂ ମେହାୟ୍ କିୟାଟ୍ । ଜିଉନନାକା ଓଜୁ ବିସ୍ରେତିଂ ବାତ୍ କିଜି
 ରବେ କିନାଟ୍ । ୧୫ ଆରେ, କ୍ରିଷ୍ଟ ହିତି ଇମଣି ସୁସ୍ତା ବଗ୍ କିନି କାଜିଂ
 ଏପେଙ୍ଗ୍ ର ଗାଗାଡ୍ ଲାକେ କୁକ୍ୟା ଆତାଦେଣ୍ଟା, ହେଦାଂ ମି ଖାସ୍ତିତ
 ବାହା କିୟେଟ୍; ଆରେ ଏପେଙ୍ଗ୍ ସବୁନାଜିଂ ଦନ୍ୟବାଦ୍ ହିୟାଟ୍ ।
 ୧୬ ✨କ୍ରିଷ୍ଟିତ ବଚନ୍ ବେସି ବାରେ ମି ଖାସ୍ତିତ ବାହା କିଏଡ୍; ଏପେଙ୍ଗ୍
 ହାରିତିଂ ପୁରା ଗିୟାନ୍ ହୁଦାଂ ହିକ୍ୟା ଆରି ଚେତନା ହିୟାଟ୍, ଆରେ
 ଇସ୍ପର୍ କାଜିଂ କେକ୍‌ଣ, ମାଣି ଆରି ଜିବୁନ୍‌ନି ନାନ୍ ହୁଦାଂ ଜୁଝାର୍ ହୁଦାଂ
 କେରାଟ୍ । ୧୭ ଆରେ, ବଚନ୍ କି କାମାୟ୍‌ତ ଏପେଙ୍ଗ୍ ଇନାକା କିୟାଟ୍,
 ହେଝାନ୍ ଓଜୁ ମାପୁ ଜିସୁ ତରଦାଂ କିଜି ହେଝାନ୍ତି ହୁଦାଂ ଆବା ଇସ୍ପର୍‌ତିଂ
 ଦନ୍ୟବାଦ୍ କିୟାଟ୍ ।

ପୁନି ଜିବୁନ୍ତ ଜାର୍‌ତି ଜାଣାଟିନା

୧୮ ✨ଏ କଗ୍‌ଲେକାଦେର୍, ମାପୁତି ମେହାଣ୍ଡ ସମାନ୍ ବେବାର୍
 ଲାକେ ଜାର୍ ଜାର୍ ଆଣ୍ଟାକାଂ ତଲ୍ୟା ଆଡୁ ।

୧୯ ✨ହେ ଆଣ୍ଟାକାଦେର୍, ଜାର୍ ଜାର୍ କଗ୍‌ଲେକାଂ ଜିଉନଝାଟ୍,
 ହେଝେକ୍ ହୁଦାଂ ବାଦିକିନି ଲାକେ ଚିନ୍ତା କିମାଟ୍ ।

୨୦ ✨ଏ ହିମ୍‌ଣାଙ୍ଗ୍, ନିତ୍ରେ ମି ଆବା ଆୟା ତଲ୍ୟା ଆଡୁ । ଇଦାଂ ମି
 କ୍ରିସ୍ଟିୟାନ୍ କାମାୟ୍, ଇନେକିଦେଂକି ଇବେ ଇସ୍ପର୍ ସାରି ଆନାନ୍ ।

୨୧ ✨ଏ ଆବା ଆୟାକାଦେର୍, ଜାର୍ ଜାର୍ ହିମ୍‌ଣାକାଂ ରିସା କିମାଟ୍,
 ଇନେସ୍‌କି ହେଝାର୍ ଖାରିକିୟା ଆମେର୍ ।

୨୨ ✨ଏ କଡ୍‌କାଆଡ୍‌ୟାର୍, ସବୁ ବିସ୍ରେ ମି ମାନାୟାରିଂ ବଲ୍
 ମାନିକିୟାଟ୍ । କେବଲ୍ ହେଝାର୍ ମି ଜପି କାଣ୍‌କୁଇଡ୍‌ନି ମାନ୍ତି
 ଖାଡ୍‌ଲିଂ ହେଝାରିଂ ସାରି କିନି କାଜିଂ ଆକାୟ୍, ମାତର୍ ମାପୁତି କାଜିଂ
 ମିଦାଂ ପାଣ୍ଟୁକାଜିଂ ହୁଦାର୍ ମାନ୍ତ ଇଦାଂ କିୟାଟ୍ । ୨୩ ଏପେଙ୍ଗ୍
 ଇନାକା କିନାଦେର୍, ହେଦାଂ ମାନାୟ୍ କାଜିଂ କିଝାଦାଂ ମାପୁତି କାଜିଂ
 କିନାଦେରା ଇଞ୍ଜି ବାବି କିଜି ବାତ୍ ଖାସ୍ତିତ କିୟାଟ୍ । ୨୪ ମାନ୍ତ ଇଟାଟ୍,
 ଇସ୍ପର୍ ତା ଲକୁ କାଜିଂ ଇନାକା ଇଟ୍‌ତାନ୍ନା, ହେଦାଂ ହେଝାନ୍ ମିଙ୍ଗେଙ୍ଗ୍

✨ ୩:୧୬ ୩:୧୬ ଏପିସିୟ ୫:୧୯,୨୦. ✨ ୩:୧୮ ୩:୧୮ ଏପିସିୟ ୫:୨୨; ୧ ପିତର୍
 ୩:୧. ✨ ୩:୧୯ ୩:୧୯ ଏପିସିୟ ୫:୨୫; ୧ ପିତର୍ ୩:୭. ✨ ୩:୨୦ ୩:୨୦ ଏପିସିୟ
 ୬:୧. ✨ ୩:୨୧ ୩:୨୧ ଏପିସିୟ ୬:୪. ✨ ୩:୨୨ ୩:୨୨ ଏପିସିୟ ୬:୫-୮.

ଇନାମ୍ ଲାକେ ହିଦ୍‌ନାନ୍ । ଇନେକିଦେଂକି କ୍ରିଷ୍ଟୁନେ ମି ହାଡ଼ପା ମାପୁ, ଇନେର୍ତି ହେବା ଏପ୍ କିନାଦେରା । ୨୫ ✨ଇନାକିଦେଂକି ଇନେନ୍ ଅନ୍ୟାୟ୍ କିନାନ୍, ହେୱାନ୍ ଜାର୍ ଅନ୍ୟାୟ୍‌ନି ପ୍ରାତ୍ ପାଡ଼୍ ଗାଗାନାନ୍; ହେ ବିସ୍ତେ ଇନାକାପା ଉଡ଼ାଆୱାକା ମାନାଡ଼ ।

୪

୧ ✨ଏ ହାଉକାର୍, ସାର୍ଗେତ ମିଦାଙ୍ଗ୍ ପା ହାଉକାର୍ ମାନାନ୍ ଇଞ୍ଜି ପୁଞ୍ଜି ଜାର୍ ଜାର୍ ଆଡ଼ିୟାର୍ କାଜିଂ ନ୍ୟାୟ୍ ଆରି ସମାନ୍ ବେବାର୍ କିୟାର୍ ।

ବିନ୍‌ବିନ୍ ହିକ୍ୟା

୨ ସବୁଞ୍ଜେଡ଼ାଙ୍ଗ୍ ପାର୍ତାନତ ଜିରୁନ୍ ଜିପ୍‌କା କିୟାର୍ ଆରି ଇସ୍‌ବର୍ତିଂ ଦନ୍ୟବାଦ୍ କିଜି ପାର୍ତାନତ ଜାଗ୍ରତ୍ ମାନାଟ୍ । ୩ ମା କାଜିଂ ପା ପାର୍ତାନା କିୟାର୍, ଇନେସ୍ ବଚନ୍ ଞ୍ଜେର୍‌ନି କାଜିଂ ଇସ୍‌ବର୍ ମା କାଜିଂ କାପାଟ୍ ଜେଡ୍‌ନାନ୍ । ଆରେ, କ୍ରିଷ୍ଟି ଇମ୍‌ଣି ବଚନ୍ କାଜିଂ ଆନ୍ ଗେହ୍ୟା ଆଡ଼ାଙ୍ଗ୍‌ନା, ୪ ପାର୍ତାନା କିୟାର୍ ଇନେସ୍‌କି ଆନ୍ ସମାନ୍ ବାବ୍ରେ ଆରି ହାର୍ ବାବ୍ରେ ହେଦାଂ ପର୍‌ଚାର୍ କିଦେଙ୍ଗ୍ ଆଡ଼ନାଦେର୍ ।

୫ ✨ପାଗ୍‌ନି ସଡ଼୍ ବେବାର୍ କିୟାର୍, ପାତ୍ କିୱାକାର୍ ଲାଗାଂ ଗିୟାନ୍ ଲାହାଙ୍ଗ୍ ବେବାର୍ କିୟାର୍ । ୬ ମି ବଚନ୍ ସବୁଞ୍ଜେଡ଼ାଙ୍ଗ୍ ହୱାଦ୍ ଆରେ, ହର୍‌ତ ଦୟାମେହା ଆଏଡ଼୍, ଇନେସ୍ ଇନେରିଂ ଇନେସ୍ ଉତର୍ ହିୟାନାଡ଼, ହେଦାଂ ପୁଞ୍ଜେଙ୍ଗ୍ ଆଡ଼ନାଦେର୍ ।

ହାରିହାରା ବନ୍ଦାଣି

୭ ✨ୱାରିନି ଟଣ୍ଡେନ୍, ମାପୁତି କାମାୟ୍‌ତ ପାତ୍ ନି ହେବାକାର୍‌ୟା ଆରି ହାଙ୍ଗ୍‌ଦାକାନ୍ ଆଡ଼ିଏନ୍ ଜେ ତୁକିକ, ହେୱାନ୍ ନା ଝିଜୁ ବିସ୍ତେ ମିଙ୍ଗେଙ୍ଗ୍ ଞ୍ଜେର୍‌ଚାନାନ୍; ୮ ଆପେଂ ଇନେସ୍ ମାନାପ୍, ସବୁ ବିସ୍ତେ ଇଞ୍ଜି ମି ୱାୟ୍ ତା ହୁକେ ୱାରି କିଦେଙ୍ଗ୍ କାଜିଂ ଆନ୍ ତାଙ୍ଗେଙ୍ଗ୍ ମି ଲାଗାଂ ପକ୍‌ତାନାଙ୍ଗା । ୯ ✨ହେୱାନ୍ ହାଙ୍ଗ୍‌ଦାଂ ଆନ୍ ପାତ୍ ଆରି

✨ ୩:୨୫ ୩:୨୫ ଏପିସିୟ ୬:୯. ✨ ୪:୧ ୪:୧ ଏପିସିୟ ୬:୯. ✨ ୪:୫ ୪:୫ ଏପିସିୟ ୫:୧୭. ✨ ୪:୭ ୪:୭ ପକ୍ୟାତାକା ୨୦:୪; ୨ ତିମତି ୪:୧୨. ✨ ୪:୭ ୪:୭ ଏପିସିୟ ୬:୨୧,୨୨. ✨ ୪:୯ ୪:୯ ପିଲିମନ୍ ୧:୧୦-୧୨.

ଝାରିନି ଟଣ୍ଡେନ୍ ଅନିସିମ୍ବିତଂ ପକ୍ତାଂ, ହେଝାନ୍ ମି ବିତ୍ରେତାଂ ରଝାନ୍ । ହେଝାର ଇ ବାହାନି ଝିଜୁ ବିସ୍ତେ ମିଜେଙ୍ଗ୍ ଝେଟ୍ଟାନାର୍ ।

୧୦ ✨ନା ଲାହାଂ ରଚେ ଗେହ୍ୟା ଆତାକାନ୍ ଆରିସ୍ପାର୍କ ଆରେ ବର୍ଣ୍ଣବା କୁରୁମନି ଟଣ୍ଡେନ୍ ମାର୍କ ଇଝାନ୍ ବିସ୍ତେ ଏପେଙ୍ଗ୍ ବଲ୍ ପାୟାତାଦେଣ୍ଣା; ହେଝାନ୍ ଜଦି ମି ଲାଗାଂ ଝାନାନ୍, ଝାଟିଙ୍ଗ୍ ତାଙ୍ଗ୍ ଇଟାଟ୍ ମିଜେଙ୍ଗ୍ ଜୁଝାର୍ ଜାଣାୟ୍ କିଦନାନା, ୧୧ ଆରେ, ଜୁସ୍ତ ତରଦ ତାକ୍ପୁଟା ଜିସୁ ମିଜେଙ୍ଗ୍ ଜୁଝାର୍ ଜାଣାୟ୍ କିଦନାନା; ସୁନ୍ନତ୍ତରିଂ ବିତ୍ରେତାଂ କେବଲ୍ ଇଝାର୍ ଇସ୍ତତ୍ ରାଜି କାଜିଂ ନା ହାଙ୍ଗ୍ଦାକାର୍ କାମାୟ୍କିନି ମାନାୟ୍, ଇଝାର୍ ନା ଦୁକ୍ସାରୟ୍ କିନାକାର୍ ଆତାଣ୍ଣା ।

୧୨ ✨ଏପାପା, ଜେ ମି ବିତ୍ରେତାଂ ରଝାନ୍, ମିଜେଙ୍ଗ୍ ଜୁଝାର୍ ଜାଣାୟ୍ କିଦନାନା, ଏଝାନ୍ତ କ୍ରିସ୍ଟୁ ଜିସୁତି ଆଡିୟା ଆରି ଜାର୍ ପାର୍ତାନାତ ମି କାଜିଂ ନିତ୍ରେ ଜିରୁନ୍ ହିନାନା, ଇନେସ୍ ଏପେଙ୍ଗ୍ ବାତ୍ ଆରି ଇସ୍ତତ୍ ଝିଜୁ ଇଚା ବିସ୍ତେ ପୁରା ପାତ୍ ଆଜି ତାଟ୍ ମାନାଟ୍ । ୧୩ ଇନାକିଦେଂକି ହେଝାନ୍ ମି କାଜିଂ ଆରେ ଲାଅଦିକିଆ ଆରି ହିଏରାପଲି ନିକାରିଂ କାଜିଂ ଇନେର ଆଦିକ୍ କସ୍ ପାୟାତାଣ୍ଣା, ହେଝାନ୍ ପାକ୍ୟାତ ଆନ୍ ଇ ସାକି ହିନାଙ୍ଗା । ୧୪ ✨ଝାରିନି ତାକ୍ତର ଲୁକ ଆରି ଦିମା ମିଜେଙ୍ଗ୍ ଜୁଝାର୍ ଜାଣାୟ୍ କିଦନାନା ।

୧୫ ଲାଅଦିକିଆତ ମାନି ଟଣ୍ଡାର୍ ଆରି ତଣ୍ଡେକାଦେର, ନୁମ୍ପା ଆରି ହେଝାନ୍ ଇଞ୍ଜ ମାନି ମଣ୍ଡଲିତିଂ ଜୁଝାର୍ ପକାଟ୍ । ୧୬ ଆରେ, ମି ବିତ୍ରେ ଇ ଆକି ପଡା ଆତି ପାଚେ ଲାଅଦିକିଆ ମଣ୍ଡଲିତ ପା ଇନେସ୍ ପଡା ଆନାଟ୍, ଆରେ ଲାଅଦିକିଆତାଂ ଇମ୍ଣି ଆକି ଝାନାଟ୍, ହେଦାଂ ଏପେଙ୍ଗ୍ ପା ଇନେସ୍ ପଡିକିନାଦେର, ଇଦାଂ କାଜିଂ ଜାତୁନ୍ କିୟାଟ୍ । ୧୭ ✨ଆକ୍ ପ୍ତିଂ ଝେଟାଟ୍, ଏପେଙ୍ଗ୍ “ମାପୁତି କାମାୟ୍ତ ଇମ୍ଣି ହେବାନି ପାଦ୍ ପାୟା ଆତାଦେଣ୍ଣା, ହେଦାଂ ପୁରା କିଦେଙ୍ଗ୍ ଜାଗ୍ରତ୍ ଆଜି ମାନାଟ୍ ।”

✨ ୪:୧୦ ୪:୧୦ ପକ୍ୟାତାକା ୧୯:୨୯; ୨୭:୨; ପିଲିମନ୍ ୧:୨୪; ପକ୍ୟାତାକା ୧୨:୧୨,୨୫; ୧୩:୧୩; ୧୫:୩୭-୩୯. ✨ ୪:୧୭ ୪:୧୭ କଲସିୟ ୧:୭; ପିଲିମନ୍ ୧:୨୩. ✨ ୪:୧୪ ୪:୧୪ ୨ ତିମତି ୪:୧୧; ପିଲିମନ୍ ୧:୨୪; ୨ ତିମତି ୪:୧୦; ପିଲିମନ୍ ୧:୨୪. ✨ ୪:୧୭ ୪:୧୭ ପିଲିମନ୍ ୧:୨.

୧୮ ଆନ୍ ପାଉଲ୍ ନା ନିଜେ କେଇଦ ଇ ଦୁଃଖାର୍ ଲେକିକିନାଙ୍ଗା । ନା
ଗାର୍ଯ୍ୟାତାକା ଏତୁ କିୟାର୍ ।
ଇସ୍ପର୍ତି ଉପକାର୍ ମି ଲାହାଙ୍ଗ୍ ଆଏଡ୍ ।

ସତ୍ ବଚନ
The New Testament in the Pengo language of India:
ସତ୍ ବଚନ

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ
ପୁନି ନିର୍ମାଣ, 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43